

Headline	Pesara TLDM maut dalam kemalangan		
MediaTitle	Harian Ekspres (KK)		
Date	14 May 2020	Color	Black/white
Section	Tempatan	Circulation	25,055
Page No	3	Readership	75,165
Language	Malay	ArticleSize	313 cm ²
Journalist	R. Gonzales	AdValue	RM 665
Frequency	Daily (EM)	PR Value	RM 1,995



KEADAAN di lokasi kemalangan.

Pesara TLDM maut dalam kemalangan

R. Gonzales

KOTA BELUD: Seorang pesara Tentera Laut Diraja Malaysia (TLDM) maut selepas motosikal ditunggangnya merempuh kereta Perodua Bezza yang memasuki laluan bertentangan di Jalan Kota Belud-Kota Marudu, Kampung Pandasan di sini, 12 Mei lalu.

Dalam kejadian kira-kira 4.30 petang itu, mangsa Yusof Abd Amit (**gambar**), 41, berasal Kampung Tajau, Tuaran, menunggang motosikal jenis Yamaha 15ZR disahkan meninggal dunia akibat kecederaan parah di bahagian kepala.

Ketua Polis Daerah Kota Belud, Supt Mohd Zaidi Abdullah berkata, siasatan awal mendapati pemandu kereta, lelaki berusia 31 tahun memandu dari arah Kota Kinabalu menghala Kota Marudu.

"Sebaik tiba di lokasi, pemandu hi-

lang kawalan dan memasuki laluan bertentangan secara melintang lalu menyebabkan mangsa merempuh bahagian pintu kiri kereta terbabit.

"Akibat insiden itu, kedua-dua kenderaan terbabas di parit yang bertakung di bahu kiri jalan menyebabkan mangsa maut dalam keadaan tertiarap di parit," katanya.

Menurutnya, pemandu kereta tidak mengalami sebarang kecederaan manakala ketika kejadian cuaca tidak hujan.

"Setakat ini, siasatan mendapati kemalangan berpunca daripada pemandu yang gagal mengawal kenderaan sehingga menyebabkan kematian.

"Bagaimanapun, siasatan kes diteruskan mengikut Seksyen 41(1) Akta Pengangkutan Jalan (APJ) 1987," katanya dihubungi.